



31 Iulai, 2022, Aso Sa Lima – Faasoaina atu o le Talalelei

(50 MINUTE)

E tatau i le au epikopo ona mafaufau e valaaulia le au peresitene o le Aualofo, au peresitene o le korama a toeaina, taitai misiona a le uarota, ma taitai o le autalavou ia auai i le faatautaiga o le talanoaga. E tatau foi i le au epikopo ona fuafua pe fono eseese le autalavou ma tagata matutua pe fono faatasi.

VAAIGA AOAQ

O le faamoemoega o leni fonotaga o le iloaina lea ma talanoaina faatasi o le olioli ma faamanuiaga e sau mai le faasoaina atu o le talalelei a Iesu Keriso. Ia taulai atu le fonotaga i faamoemoega nei e lua:

- 1 Fesoasoani i alii talavou taitasi ia saunia ma auauna atu i se misiona, ma fesoasoani i tamaitai talavou taitasi o e mananao e saunia ma auauna atu i se misiona.
- 2 Fesoasoani i tagata taitasi e faasoa atu le talalelei a Iesu Keriso i auala masani ma faalenatura e ala i le faatinoina o mataupu faavae o le alofa, faasoa, ma le valaaulia.

Mulimuli i le taitaiga a le Agaga a o sauniuni. Aoao atu i se auala e faamalosi ai i tagata o lau uarota po o le paranesi ia auai i le talanoaga, aemaise lava le autalavou. O le auivi leni ua tuuina atu mo lou faaogaina e sauniuni ai.

O LO TATOU TIUTETAUAVE FAALEFEAGAIGA MA LE FAAMANUIAGA E TALAI ATU LE TALALELEI O LE FILEMU (10 MINUTE)

Amata le fonotaga e ala i le faaali atu o le kilipi leni mai le lauga o le konafesi aoao talu ai nei a Peresitene Russell M. Nelson.

Faaali le: [Kilipi o le vitio a Peresitene Russell M. Nelson](#)
(3:39)

FESILI MO LE TALANOAGA (5 MINUTE):

- O a ni mea na e aoaoina po o a ni unaiga na e maua i le taimi o le savali a le perofeta?
- Aisea e taua tele ai i le Alii le faasoa atu o le talalelei?
- O le a sou lagona e uiga i le saunoaga a Peresitene Nelson e uiga i faamoemoega o le Alii i le tupulaga faia'e e faatatau i le auaunaga faafai-feautalai?
- O le a se mea e mafai ona tatou faia faaletagata lava ia faapea ma le au paia atoa e ausia ai mea ua faamoemoeina e le Alii mai ia i tatou e faatatau i le faasoaina atu o le talalelei?

SAUNIUNIGA MO LE AUAUNAGA FAAFAIFEAUTALAI (10 MINUTE)

O kilipi vitio nei mai ia Peresitene M. Russell Ballard ma Elder Quentin L. Cook o loo faasoa maia ni auala e mafai ai e le autalavou ona saunia patino ai le tagata lava ia mo le auaunaga faafaifeautalai ma le auala e mafai ai e aiga, uo, ma taitai o le Ekalesia ona maua se tosinaga lelei.

Faali le: [Kilipi o le vitio a Peresitene Ballard ma Elder Cook](#) (4:37)

FESILI MO LE TALANOAGA (5 MINUTE):

- E mafai faapefea ona fesoasoani le aiga, taitai, ma uo i tamaiti ma le autalavou ia saunia ma auauna atu?
- O le a se mea o e faia o se talavou e mulimuli ai i le faatonuga a le perofeta ia saunia mo le auuunaga faafaifeautalai?
- E mafai faapefea e oe o se talavou ona fesoasoani i au uo ia saunia e auauna atu?

O FAAMANUIAGA O LE AUAUNAGA FAAFAIFEAUTALAI (8 MINUTE)

I le vitio leni, o loo faasoa mai ai e Peresitene Ballard lona aafiaga patino e uiga i le filifili e auauna atu i se misiona faafaifeautalai o se alii talavou ma faamanuiaga na ia maua o se taunuuga.

Faali le: [Kilipi o le vitio a Peresitene M. Russell Ballard](#) (1:58)

FESILI MO LE TALANOAGA (5 MINUTE):

- Mo i latou na auauna atu i ni misiona, ua faapefea ona faamanuiaina lou olaga i lena aafiaga?
- O le a se mea o outou tulimatai atu i ai—o ni talavou ma ni tagata matutua—i le taimi o lau auaunaga faafaifeautalai?

O ISI MAU MA PUNAOA

- Mataupu Faavae ma Feagaiga 18:13–16 ma le 62:3
- 3 Nifae 18:24–25
- Tusitaulima Aoao mataupu 24

ALOFA, FAASOA, VALAAULIA (16 MINUTE)

O faamanuiaga ma le olioli o le galuega faafaifeautalai o loo avanoa mai ia i tatou taitoatasi. E faamanuiaina tagata uma o le Ekalesia pe a tatou [faia]—i ni auala masani ma faalenatura—e alolofa atu i le Atua ma o tatou tuaoi; faasoa atu le talalelei o se faaopoopoga o lo tatou olaga patino, faaleaiga, ma faaleekalesia; ma valaaulia isi ia o mai ma vaai, o mai ma fesoasoani, ma o mai ma auai. O le faasoa ina atu o le talalelei e aumaia ai le olioli ia i tatou, i le Alii, ma i isi; e aumai ai le Agaga ma le mana o le Atua e sili atu ona taumasuasua i o tatou olaga (Mosaea 18:10, Ioane 15:4–5); e puipuia i tatou mai faaosoosoga (3 Nifae 18:24–25); ma e aumaia ai le faamalologa ma le faamagaloga o agasala (Mataupu Faavae ma Feagaiga 62:3).

O VITIO NEI mai ia Elder Quentin L. Cook ma Elder Gary E. Stevenson e faamalamalama ai nei aoaoga.

Faali le: [Kilipi o le vitio a Elder Gary E. Stevenson](#) (1:29)

Faali le: [Kilipi o le vitio mai le Faasalalauga o le Faasoa ina Atu o le Talalelei](#) (4:33)

FESILI MO LE TALANOAGA (10 MINUTE):

- E faapefea e le faasoa ina atu o le talalelei ona aumaia i tatou ia latalata atili ia lesu Keriso?
- E mafai faapefea ona e faaofiaina isi i se auala masani ma faalenatura i lou olaga e faatotonugalemu-ia-Keriso?
- E mafai faapefea e le tatou uarota po o le paranesi ona fatuina se siosiomaga lea e faigofie ai ona alofa, faasoa, ma valaaulia?

O ISI MAU MA PUNAOA

- Mataio 28:18–20
- Tusitaulima Aoao mataupu 23

SAUNOAGA FAAIU, VALAAULIA, MA LE MOLIMAU (2 MINUTE)

- Valaaulia le vasega e iloilo ma le agaga tatalo pe faapefea ona fesoasoani le tasi i le isi aemaise lava le autalavou ia saunia mo le auaunaga faafaifeautalai.
- Valaaulia taitai o le uarota ma le au paia ia auauna atu ia i latou e lei faalogo lava i le savali a le perofeta.
- Valaaulia le autalavou ia saunia mo le auaunaga faafaifeautalai ma ia valaaulia a latou uo ia faia foi faapena.
- Valaaulia tagata uma ia mataalia i le alofa, faasoia, ma valaaulia i latou o siomia i latou i ni auala masani ma faalenatura.
- Ia molimau atu i le talalelei toefuataiina ma le olioli o le faasoaina atu i isi.

